



Universitätsbibliothek Paderborn

V. P. Gasparis Družbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicacionem Pagina
Indicabit

V. P. Gasparis Družbicki, Societatis Jesu, In Dominicas Anni Totius
Meditationes

Družbicki, Kaspar

Ingolstadii, 1732

VD18 9006643X

Dominica IV. Quadragesimæ.

urn:nbn:de:hbz:466:1-45459

crebe, ut crescat in te & roboretur, & proficiat
gratiâ apud Deum & homines.

20. *Beati qui audiunt.*

Audiunt verbum DEI interius inspiratum,
A exterius prædicatum, audiunt legendo,
orando, loquendo, exempla aliorum attenden-
do, opera Dei considerando, beneficia ponde-
rando & simul ad interiora reducendo, consci-
entiam denique ad examen revocando. Beatus
qui se se his exercens, audit verbum Dei, loquen-
tis excitantisque. Agnosce anima mea negligenti-
am tuam in his omnibus, in tanta licet omnium
copia, deprecare, fervoremque statue. Custodi-
ant verbum Dei qui implent, qui ut ab aliis
custodiantur curant, qui ab hereticorum deprava-
tionibus illud defendunt, qui scrutantur scriptu-
ras aliisque explanant, qui quemadmodum alios
docent, ipsi faciunt; alioqui, nullam sibi excu-
sationem faciunt à peccato.

DOMINICA IV.

Quadragesimæ.

1. *Unde ememus panes? Matt. 14.*

Quam promptè Benignissimus JESUS de Cibo
populo illi necessario cogitat? quàm copio-
se eundem subministrat? Unde ememus panes?
In cura; Distribuit discumbentibus quantum
volebant: en copia! Sed quantò libentius tibi
providet de cibo corporis sui sacrosancti, si
modo ad eum accedas, si digne adeas. Confer,
& merito præfer studium Christi in te pascendo,
illi in pascendis quinque millibus. Quod tibi
dat soli, toti mundo sufficere potest. Quod istuc

uni dedit, non satis erat pluribus. Deinde illis panem, tibi corpus suum, illis panem nudum cum paucis pisciculis, tibi cum corpore sanguinem suum, vitam suam, animam, merita, virtutes, divinitatem dedit. O! digne accede anima mea ad cibum hunc nobilem, ô propera, & noli esse sollicita de pretio, dicendo, unde ememus hunc panem? Teda, & habebis illum: si aliud dare pretium velles, ducenti denarii, hoc est, infinitum pretium non sufficiunt. Affer fidem, affer charitatem, affer humilitatem, affer desiderium, affer cor, & habebis quantum voles, imò plus quàm voles. non enim capies quod habebis, sed comprehenderis ab eo, quem manducabis, mutaberisque in eum, & non in te ille. O quam bonus es Jesu, quam admirabilis in hac tua liberalitatis ratione, cum prospicis commodis nostris, cum voluntati nostræ subservis! das quia vis, sed non das quantum vis; verum quantum volumus tantum das. Et quis similis tibi ex mundi magnificis! ô Anima! si non saturaris, si non impinguaris, quem culpas?

2. *Quantum volebant.*

ET quid dicis Anima te velle Deum, te cupere amare Deum, te famescere Deo? en dat, en distribuit Jesus quantum volebant. Exere itaque famem, dilata cor, intende desiderium, diffunde voluntatem, Spiritu anhela. Magnus est Dominus, magnum & capacem locum quærit, quantum de illo voles, tantum tibi communicabit, quid quæris amplius à DEO? Dilata ô DEUS cor meum, ut sit capax tui, & sit multum capax.

3. *Subtil*

G. D. 1112
 Bicki
 Oper: ascel
 Tomus III
 N: V
 58

3. *Subiit in montem & sedebat cum discipulis.*

IN montem IESUS subiit cum discipulis, & cum
 eis ibi sedet, ad turbas verò descendit, quia
 turbæ non possunt ad eum ascendere, imò fa-
 cilius IESUM comprimunt quam tangunt. Tu
 vide è quorum numero sis; An de discipulis,
 num verò de turba: Si ascendis in perfectionis
 montem, si quotidie te ipso existis melior, si tibi
 ordet terra, si animum excelsiorem omnibus
 creaturis habes, si nihil te adversorum turbat, si
 speras Deum sequeris, & non ideo quia ex pani-
 bus eius saturatus es, si in orationis monte cum
 IESU versaris, & ibi quasi discipulus sedes, verè
 discipulus es. Si autem IESUS ad te descendere
 debet, condescendere tibi, lacte non solido cibo
 te pascere, de turba es. O Anima! profice, &
 montem subire, conare.

4. *Cum sublevasset oculos IESUS.*

IN tuere ô homo oculis tuis elevatos oculos
 benignissimi IESU, spectantes ad se venientem
 turbam, de ejusque saturatione cogitantes. O
 quam libens IESUS elevat oculos super turbam
 ad se venientem! nonne cupies anima mea tur-
 bas hominum ad IESUM pertrahere, ut oculos
 ejus tam jucundo recrees spectaculo? Si verò
 tam jucundis turbas respicit oculis IESUS, qui-
 bus putas oculis respiciet discipulos, quibus
 electos, sponfas adamas? Non frustra
 IESUS levat oculos; levat enim ut miserea-
 tur, ut necessitati subveniat, ut sublevet ca-
 dentem, ut animet pugnantem, ut recreet fessum,
 ut coronet victorem, ut alliciat accedere vere-
 cundantem. Leva mi IESU oculos tuos super
 me, & pone eos super me, sicut super sponsam

H 4

aut

aut discipulum, saltem sicut super unum de turba.

5. Unde ememus panes?

Providentia quærit. unde providebis? an hoc dicit tentans, cum sciat quid sit factura? verè ò providentia tentans dicit, quoties aliquid facere constituis: sed tentas, ut fidem probes & fiduciam explores, ò utinam sciat mundus quid sit providentia Dei! non tam parcus esset in Jesum, ut quæ ille mundo dedit, emere cogatur ab illo, & quod magis est, etiam panes renuit gratis dare pauperibus, qui fratres sunt Christi & membra ejus.

6. Unde ememus panes?

Vox Prælatorum, Doctorum, Concionatorum ea esse debet. Ecce subditi, ecce rudes, ecce populi quærunt panem directionis, solatii, doctrinæ disciplinæ, admonitionis, Unde ememus panes? At miser es quisquis ab homine quæris, qui ab homine emere cupis, qui ipse eget, qui ipse est pauper, conservus tuus est, Vade ad divitem, qui dicit. Emite sine pretio, sine argento, sine ulla commutatione. Ad Sapientiam abi & eme; pudeat te prædicare quod è cælo non hausisti, quod oratione, lacrymis, humilitate, mortificatione non emisti.

7. Ipse enim sciebat quid esset facturus.

Sæpe Dominus tentat nos. Jubet aliquid agere, successus verò negat; non quia à nobis fieri non vult, sed quia tentat an potius illi, quàm nobis fidamus. Si ergo aliquid acturus es, quod Deum te velle putas, age quod in te est, sed in Deo spera, & scito Jesum scire, quid sit facturus. Non succedit negotium? habes adversarios potentes

g. DRUZ
bicki
opert ascel
Tomus III
N: V
58

terres? tantò magis fide, spera contra spem, spem
habe, cogitans, quod scit Iesus quid sit facturur.

8. *Ducentorum denariorum.*

Sta est carnis & sæculi prudentia, quæ suas exa-
minat vires, nihil habet quod suum possit di-
cere, & tamen centenarios computat. Noli
vires attendere vires, sed Dei divitias. O quan-
tum Dei distant cogitationes, quantum ejus ju-
dicia à nostris! Ducentorum denariorum panes
paucos judicamus, Christo verò & quinque sunt
nimii. Noli tuis ex viribus metiri Deum, crede
tam plus posse facere, quàm te cogitare; disce-
que Deo committere, ut ipse faciat.

9. *Colligite Fragmenta.*

Vide quam providus sit Paterfamilias Domi-
nus Iesus: Jubet colligi fragmenta ne pe-
teant, at ego prodigus frustra integra colligere
negligo, plane ac si Deo ditior essem! ô quan-
ta negligo fragmenta, quando occasiones me-
ritorum prætereo! Plura sunt fragmenta quàm
ipsi panes fuere. Facilius scilicet hi proficiunt
in virtute, qui etiam minutissima observant,
quàm qui tantum magna agere contendunt.
Valde magna facit, qui etiam minima facit, qui
minima ut magna facit, qui nihil perfectionis
omittit, quod Divina gratia consequi possit.

10. *Colligite fragmenta.*

Cogita quomodo divitias Christi, hoc est,
paupertatem servas, tractas acceptas. In-
tegrasne requiris panes, an fragmentis conten-
tus es? Optasne ea tibi dari quæ viliora sunt do-
mii? Male vestiri Paupertas non potest si pau-
pertas est, tantò nudior est, tantò ornatior, &
suis planè vestita coloribus, sed nos ne de no-

mine quidem Paupertatem novimus, qui fragmenta aspernamur.

11. *Colligite fragmenta.*

O Divites quod superest, date Eleemosynam, & omnia munda sunt vobis. Non vult Deus à vobis possessiones integras; date fragmenta, date quod superest, date calicem aquarum. Et vos, ô Discipuli! fragmenta colligite, fractos homines peccatis, convertite, eos si negligitis peribunt, sed & sanguis eorum, de manu vestra requiretur.

12. *Colligite fragmenta.*

SI Discipuli fragmenta neglexissent, miraculum non cognovissent, vel saltem non ita cognovissent. Maximus est Deus in minimis, si modò quis oculos habeat, ut videat quantus est Deus, in providentia rerum etiam minutissimarum circa unum hominem. Totius vitæ meditatio, huic cogitationi parva est.

13. *Facturi eum Regem.*

Compara tuam, cum turbæ hujus, gratitudinem. Illa post unum beneficium Jesum vult Regem facere, tu post tanta, tamque multa, ipsum Regem non facis. Cum tamen Jesus cupiat esse Rex tuus, si eum facere velis. O Jesu esto Rex meus; rege me, & governa. Dignus es Regis titulo, qui me etiam nolentem, certè negligentem, ultrò tam suaviter regis.

14. *Fugit in montem solus.*

NE quære mercedem operum in hac vita, gratias Deum ama, liberaliter Deo servi, modico nolis esse contentus, nec putes tibi satis esse, si tuo satisfecisti officio. Officium tuum est, facere quantum potes, si plus potes quam facis, officio

g. Dr. L. Z.
Bicki
oper: ascel
Tomus III
N: V
58

officio tuo non satisfacisti. Neminem ex Catalogo sibi ad famulandum Deus conduxit: nemo magnus evasit Dei amicus, qui omnia servitia sua ad calculos revocavit, aut, quid teneretur, quid non, examinavit. Multò autem minùs hic, qui pro singulis mercedem speravit, exigit, vel recipit. Gratis ergo Deo serviendum, ut servias non gratis, sed servias, ut sis gratus.

15. *Fugit in montem solus.*

Fugit honores JESUS, ut tu eos non secteris: & fugit in montem. Non enim qualibet fuga, fuga est, sed ille verè fugit, qui ad montem fugit; id est, qui soli Deo tanquam summo vertici, honorem tribuit, ipse verò sua humilitate supra omnes honores sæculi, & laudes hominum, ne ad ipsum pertingant se attollit. Hoc est accedere ad cor altum omni honore humano altius, ut exaltetur Deus, & in ipsum solum omnis honor redundet.

DOMINICA V.

Quadragesimæ.

I. *Quem te ipsum facis.* Luc. 8.

OJesu quem te ipsum facis, quando in Sanctissimo Sacramento cibum hominum te facis? quando ad me ingrederis, ut à me manducaris? quando à me manducari vis, rogas, jubes, gaudes? Nostine tu quis sis, nostine quis ego sum? Quem te ipsum facis, quando te mihi ita communicas, quando te ita propter me vertis, evertis, convertis, exinaniris, viliorem te memetipso reddis? O quem te ipsum mi JESU facis propter me! fac me quoque talem, fac me

me